

庶物類纂

木屬
自三至四


卷

太政官交庫			
和書門	特別類	第一二三四五六七八九十	函架
		第五十	
		四六五	

共十五

內閣文庫			
番號	和	32362	
冊數	465 (387)		
函號	特	54	1







庶物類纂木屬卷之三目次

柴松

赤松

天目松

五鬢松

白松

海松

落葉松

羅漢松

庶物類纂

卷三

木屬目次

水松

杜松


矮松

鳳尾松

柴松

雜物類集

木屬 柴松



柴松

柴松隨地皆有數歲便可參天小時不堪觀大則結頂成林覆陰尤妙剔牙松宜庭際天目松宜盆玩柴松宜山及墓上剔牙松食子味甘柴松取花和蜜作餅清香可口明周文華致富全書

柴松飄子落處即出松秧尤宜山土同上柴松任意修剪大則可充柴木之用同上

松兩鬣而細則常松也清阮桐方氏物理小識

柴松落子即出松秧尤宜山土清石巖逸叟增定致富奇書


雜物類集 卷三 木屬 柴松 二

松兩鬣三鬣而細者常松也
清陳溪子
秘傳花鏡

赤松

庶物類考 卷三

木屬 赤松



赤松


松又有赤松、白松、鹿尾松、秉性尤異。明王蓋臣二如亭羣芳譜



天目松

一名千歲松
鏡花

木屬 天目松 一



天目松

天目松出天目山幹短而枝葉拳折有古意明周文華致富

全書

天目松宜盆玩同上

天目松不用糞喜背陰處同上

謹按增定致富奇書同

木則天目松栝子松千頭柏纓絡柏金線柳皆佳品也次則丹楓石楠梧桐黃楊西湖柳烏絨樹土人謂之馬纓花皆可植於水次明王敬美學圃雜疏

高子曰盆樹之尚天下有五地最盛南都蘇淞二郡
浙之杭州福之浦城人多愛之論值以錢萬計則其
好可知但盆景以几卓可置者為佳其大者列之庭
榭中物姑置勿論如最古雅者品以天目松為第一
惟杭城有之高可盈尺其本如臂鍼毛短簇結為馬
遠之欹斜詰曲郭熙之露頂攫拿劉松年之偃亞層
疊盛子昭之拖拽軒翥等狀栽以佳器槎牙可觀他
樹蟠結無出此製更有松本一根二根三根者或栽
三五窠結為山林排布高下參差更多幽趣林下安

置透漏竅窳崑石應石燕石臘石將樂石靈辟石石
筍安放得體時對獨本者若坐岡陵之巔與孤松盤
桓對雙本者似入松林溪處令人六月忘暑除此五
地所產多同惟福之種類更夥若石梅一種乃天生
形質如石燕石蟹之類石本發枝含花吐葉歷世不
敗中有美者奇怪莫狀此可與杭之天目松為匹更
以福之水竹副之可充几上三友水竹高五六寸許
極則盈尺細葉老幹瀟疎可入盆上數竿便生渭川
之想亦盆景中之高品也

明高濂遵
生八箴

盆景以几案可置者為佳其次則列之庭榭中物也
最古雅者如天目之松高可盈尺其本如臂鍼毛短
簇結為馬遠之欹斜詰曲郭熙之露頂攫拿劉松年
之偃亞層疊成子昭之拖拽軒翥等狀裁以佳器樣
牙可觀更有一枝兩三梗者或栽三五窠結為山林
排市高下參差明屠隆考
槃餘事
松天目山者尤奇多出石上孝豐
縣志
千歲松產於天目武功黃山高不滿二三尺性喜燥
背陰生澆巖石塌上水不見肥故歲久不大可作天

然盆玩清陳誤子
祕傳花鏡

無物類編

木屬 天目松 四

蘇物類彙編 卷三

蘇物類彙編 卷三

五鬢松


木屬 五鬢松 一

五鬢松

五鬢松產戴雲山高者不四五尺蒼鬱可愛德化有

泉州府志

植物類編 卷三



白松

植物類編

木屬

白松

一

白松

白松如傅粉，一本三幹，高十數仞，本大四抱，餘本畔一竅常流液，甘甚，謂歲兩脫，膚根盤據，枝若擎虬，葉秀翠且硬，世傳漢有閩女仙化葬此，此其塚上物也。

在天仙洞殿後，密縣東三里。○明慎懋官華夷花木考。

孤根一託蕊珠宮，不與茗華粉黛同。夜暗龍鱗銜自照，天清鶴影望來空。條封姑射千秋雪，蓋擁蘭臺萬里風。非為子雲能作賦，誰知玉樹本青蔥。

明李于鱗和梁憲使

過密詠天仙宮白松○明陳繼儒國朝七子詩集

木屬

白松

二

何處松標歲月淡，蕊宮寒色畫森森。龍文細結清霜老，鹿尾高懸赤日陰。二室迴疑開雪嶺，三花遙復妒珠林。由來帝子顏如玉，詞客偏含萬古心。
明吳國倫題密縣天

仙宮白松
○同上

手撫松圍數甲行，潤於膚色白於珩。看來亦是天喬種，和月和霜種始成。
其一 百尺亭亭幹寫空，虛塔浮日水玲瓏。青山好共陶弘景，欹枕閒聽帶雪風。
其二 瘦玉峻峻數十盤，巢雲老鶴夢猶寒。若為貌出參天雪，更向南岡頭上看。
其三 傳言天女化時生，畢竟移根種不


成閱盡大官諸本，卅上頭未有白松名。
其四 密縣天
仙廟白松 ○

明袁中
郎全集

庶物類集 卷三 木屬 白松 三

海松

一名五粒松嘉祐補註本艸 一名松子松本艸 一名
 海梧子南方艸 一名華山松癸辛雜識前集 一名新
 羅松癸辛雜識續集 一名羅木同上 一名栝子松學圃雜疏
 一名剔牙松同名 一名五釵松華夷花木考



海松

海松子味甘小溫無毒主骨節風頭眩去死肌髮白
 散水氣潤五臟不飢生新羅如小栗三角其中仁香
 美東夷食之當果與中土松子不同附今臣禹錫等謹
 按日華子云松子逐風痺寒氣虛羸少氣不足潤皮
 膚肥五藏東人以代麻腐用嘉祐補註本州
 松蕭炳云又有五葉者一叢五葉如釵名五粒松道
 家服食絕粒子如巴豆新羅往往進之同上
 方書言松為五粒字當讀為鬣音之誤也言每五鬣

為中一葉或有兩鬣七鬣者松歲久則實繁中原雖有然不及塞上者佳好也本艸圖經

海藥云海松子去皮食之甚香美與雲南松子不同雲南松子似巴豆其味不厚多食發熱毒松子味甘美大溫無毒主諸風溫腸胃久服輕身延年不老味與卑方國偏桃仁相似其偏桃仁用與此桃仁無異是也宋唐慎微證類本艸

海松子出遼東及雲南其樹與中國松樹同惟五葉一叢者毬內結子大如巴豆而有三稜一頭尖爾久

收亦油馬志謂似小栗殊失本體中國松子大如柏子亦可入藥不堪果食詳見木部松下按段成式酉陽雜俎云予種五鬣松二株根大如碗結實與新羅南詔者無別其三鬣者俗呼孔雀松亦有七鬣者或云三鍼者為栝子松五鍼者為松子松明李東璧本艸綱目按醫說云食胡羊肉不可食松子而物類相感志云凡雜色羊肉入松子則無毒其說不同何哉同上服食家用松子皆海松子曰中國松子肌細力薄只可入藥耳按列僊傳云倭倭好食松實體毛數寸走

及奔馬又犢子少在異山食松子茯苓壽數百歲又赤松子好食松實天門冬石脂齒落更生髮落更出莫知所終皆指此松子也同上

松其子大如柏子惟遼海及雲南者子大如巴豆可食謂之海松子同上

海松子出新羅國香美殊勝番人當果食之中原雖有小而不及塞上者佳好也○松子有南松北松華

陰松形小殼薄有斑極香新羅者肉甚香美明李東璧食物

本艸

松子中國松子力薄只可入藥惟海松子為服食妙

品顧逢伯分部本艸

新羅國松子如小栗三角甚香美今朝鮮國以此作

齋明錢允治食物本艸校註

松子實如豬心疊成鱗砌子長則鱗裂遼東雲南者

尤大食之香美清心潤肺明王盡臣二如亭羣芳譜

剔牙松幹青而枝葉疎秀歲久未得高大種出杭州

明周文華致富全書

剔牙松空庭際同上

木屬 海松 四

剔牙松食子味甘同上

剔牙松最忌傷本稍以指傷皮即松脂成瀉如欲修

之即以火鐵燙止用糞泥密封方不泄氣同上

海梧子樹與中國松同但結實絕大形如小栗三角

肥甘香味亦樽俎間佳果也出林邑晉嵇含南方州木狀

松今言兩粒五粒粒當言鬣成式脩竹里私第大堂

前有五鬣松兩根大財如椀甲子年結實味如新羅

南詔者不別五鬣松皮不鱗中使仇士良水磴亭子

在城東有兩鬣皮不鱗者又有七鬣者不知自何而

得俗謂孔雀松三鬣松也松命根遇石則偃蓋不必

千年也唐段成式酉陽雜俎

新羅使者每來多鬣松子有數等玉角香重堂棗御

家長龍牙子惟玉角香最奇使者亦自珍之宋陶穀清異錄

凡松葉皆雙股故世以為松釵獨栝松每穗三鬣而

高麗所產每穗乃五鬣焉今所謂華山松是也李賀

有五粒小松歌陸龜蒙詩云松齋一夜懷貞白霜外

空聞五粒風李義山詩松暄翠粒新劉夢得詩翠粒

點晴露皆以粒言松也酉陽雜俎云五粒者當言鬣

自有一種名五鬣皮無鱗甲而結實多新羅所種云然則所謂粒者鬣也

宋周密癸辛雜識前集

倭人所居悉以其國所產新羅松為之即今之羅木也色白而香仰塵地版皆是也復塗以香入其室則

芬郁異常

宋周密癸辛雜識續集

海松子生新羅如小栗三角其中仁香美東夷食之

當果與中土松子不同

明慎懋官華夷花木考

五釵松幹本挺矗略無歧柯圓銳而上望如浮圖一葉五釵膚理綜纈相傳金地藏新羅種也今惟塔前

一株

同上

梵文甚細如菓有五棗杏等謂之核果梨柰等謂之膚果椰子胡桃等謂之殼果松子柏仁等謂之檜果大小豆等謂之角果核殼易解膚皮膚可啖也角華言亦稱豆角惟檜頗奧按字書空外反麤糠皮謂之檜豈取義華梵不能無相通云

明陸深蜀都雜鈔

倭倭食松實形體生毛兩目更方山中毛女食柏葉不饑不寒不知年歲彭鏗常食桂芝八百餘歲亦將子與啖百艸花能隨風雨上下魯定公母服五加皮

以致不死。張子聲服五加皮酒，壽三百年，房室不絕。任子季服茯苓，輕身隱形，韓衆服菖蒲，遍體生毛，隆冬裸袒。趙他子服桂，日行五百里。移門子服五味子，色如玉女。林子明服朮，身輕，馭舉。楚子服地黃，夜視有光。陵陽子仲服遠志，有子二十七。老更少。容杜子微服天門冬，八十年日行三百里。庾肩吾服槐實，年七十餘，鬢鬢更黑。青城上官道人食松葉，九十如童。趙瞿餌松脂，百歲髮不白，齒不落。人於艸木之實，餌之不輟，皆足補助血氣，培養壽命。但世人輕而不信。

耳夫鈎吻鳥喙，足以殺入人所共信也。惡者有損善者，豈得無益與其服艸木之實，縱無益而無害也。不猶愈於煉紅鉛服金石，毒發而莫之救，求長生而返

速斃乎。明謝肇淛
五雜俎

顧野王志：九子山，千仞壁立，周迴二百里，高一千丈。出碧鷄、五釵松。案山志：碧鷄雌雄相逐，性不肖羣形。采如鴉，翠膊碧臆，鳴聲甚清。每歲翼一雛，羽翮成則舊者飛去。五釵松每枝五花，五股其實可食。文理綜縝如羅縠，衲子金地藏自西域來，攜種。惟壩寺前有

之其尤異者每一株枯則旁一小株明陳仁錫潛確居類書

高麗國多大松惟五葉者乃結實始生謂之松房狀

如木瓜青闊鎮密得霜乃折其實始成而房乃作紫

色國俗雖果肴美餅用之不可多食令人嘔不已明吳

元化毛詩鳥獸州木攷

松有二種惟五葉者結子大明一統志

松子大明一統志以為泉州土產今無八閩通志

枯子松沈子而生土人植之為軒檻之玩鮮有高大

者常熟縣志

松一種名枯子松惟亭林寶雲寺余山昭慶寺二本

極大今亡松江府志

枯子松子可食吳縣志

枯結子松也清方以智通雅

枯生北方實似小栗同上

定以結子曰枯子松同上

松五鬣七鬣為一朵葉者剔牙枯子松也兩鬣而細

則常松也枯子松膚青內長而外遂浮脫結一房數

十葉一葉毬一子子殼內有仁甘美滇南種子色黑

遼子色黃清皖桐方氏
物理小識

解松子油法松子仁油壞者攤竹紙上焙之如新凡

仁類皆用此法同上

剔牙松最忌傷本修法以烙鐵燙糞土密封清石巖
逸叟增

定致富
奇書

松五鬣六鬣為一朵葉者剔牙栝子松也清陳湜子
秘傳花鏡

剔牙松皮青而嫩稍傷其皮則脂易濡須以火鐵燙

止用糞泥密封方不洩氣同上

終南山中有人身無衣服徧體生黑毛飛騰不可及

為獵人所得言秦宮人避亂入山有老翁教食松實

初甚苦澀後稍便之遂不饑獵人以穀食之初聞甚

臭吐逆數日乃安身毛脫落漸老而死宋魯應龍聞
憲括異志

建業間園子種梨曰蜜父種枇杷曰蠟兒新羅使者

多攜松子賂公卿家問其名有玉角子龍牙子宋張
端義

貴耳
集

栝子松俗名剔牙松歲久亦生實雖小亦甘香可食

南京徐氏西園一株是元時物秀色參天目中第一

明王敬美
學圃雜疏

松樹大連抱子形如桃仁而稍小皮硬味如胡桃浸酒療風出顧愔新羅國記陳慆丘象昌谷集辨註松子味甘性溫無毒補氣虛散風寒多食生痰涎發虛熱一種海松子性味相同潤五臟散水氣治頭眩骨節風去灰肌白髮凡松子之類將油熾者攤竹紙上焙還好明龔居中五福全書

落葉松

一名金錢松物理小識

俗名革賴埋紫

唐
宋
明
清

落葉松

落葉松生于天台方廣繁葉如刺柏霜後盡脫蓋檜
枯之別種衡嶽志

南岳天臺落葉松一名金錢松天台山亦有落葉松
清皖桐方氏
物理小識

無
物
類
纂

卷
三

木
屬

落
葉
松

二

唐
字
類
集
卷
三

羅漢松

燕
物
類
集
卷
三

木屬
羅漢松

羅漢松

羅漢松

羅漢松葉長而狹色蒼秀可愛凌冬不凋八閩通志

謹按汀州府志閩書同

羅漢松閩志曰葉長而狹色蒼秀可愛凌冬不凋澄海縣志

羅漢松亦樅檜別種大葉松身多植人家清玩亦有

高大者肇慶府志

羅漢蒼翠可愛葉如翦刻狀如綠玉結實如羅漢故

名天台山方外志

無物類


木屬 羅漢松 二

羅漢樹有雌雄雄者開花雌者結子其子細腰似葫蘆及熟時上紅黃下綠色紅黃甘甜可食明范泓典籍便覽

縣南古岡菴是唐文悟禪師道場菴前有羅漢樹二株縈纏糾結屈曲交加常年一樹花而不實一樹實而不花劉子高詩東樹開花西樹子誰從枝葉認雌雄子高名崧國初入吉安府泰和縣○明曹學佺江西名勝志

松其闊瓣厚葉者羅漢松也樹老結實長四五分底平上銳色紫黑乾之味甘補腎其香益肺本艸綱目所未載也清皖桐方氏物理小識

松闊瓣厚葉者羅漢松也清陳湜子秘傳花鏡



魚
材
類
第
三
卷
三

水松

俗名密捏事和姑
州信濃

魚
物
類
第
三
卷

木屬
水松

唐
宋
元
明
清

杜松

俗名捏事密索施

無
物
類
纂

木屬 杜松

一

唐
宋
明
清

杜松

杜松其葉如杉而小尖勁如刺大如松而文細其色

赤亦有為柱者泉州府志

杜松葉似杉而小尖勁如刺木似松而有文八閩通志

杜松宋志云松葉柏身前志謂杜松葉似杉與松弗

類爾雅謂松葉柏身為樅興化府志

無
物
類
纂

木屬 杜松 二

唐
才
類
考
卷
三



矮松




燕
物
類
考
卷
三

木
屬
矮
松

一

魚
才
類
考
卷
三



矮松

俗言松三粒五粒段成式云粒當作鬣然亦不知五
鬣何義又云五鬣松皮不鱗今山中松未見有不鱗
者段又云欲松不長以石抵其直下便不必千年方
偃然亦不盡然也凡松髡其頂則不復長秀幹四出
久即偃地矣京師報國寺有松七八株高不過丈許
其頂甚平而枝幹秀出至十餘丈者數百莖夭矯如
游龍然寺僧恐其折每一幹以一木支之加丹堊焉
好事者攜酒上其頂盤踞羣坐此亦生平所未嘗見

無物類考

卷三

木屬

矮松

二

也。澗水熱談錄載亳州法相寺矮檜亦類此。○明謝肇淛五雜俎

庶物類纂卷三

鳳尾松

俗名貌密

庶物類纂卷三

木屬 鳳尾松 一

鳳尾松

鳳尾松

鳳尾松葉細叢鬣非鍼而幹皮如柏其縱乎去皮用
其木蓋杉類也清方以智通雅

廬山大林寺前寶樹十餘圍正鳳尾松同上

無物類纂

木屬 鳳尾松 二

庶物類纂
卷三

庶物類纂木屬卷之四目次

柏
總

庶物類纂
卷四

木屬目次

柏

一名栲爾雅一名蒼官致富全書一名黃腸潛確居類書

木屬 柏

唐書卷一百一十四

柏

柏爾雅○
榑爾音菊

禮記曰魯以榑
晉郭璞爾雅註

柏一名榑註禮記曰魯以榑者上雜記文也彼鄭註

云所以擣鬱也榑柏也是也
宋邢昺爾雅疏

柏服餌家所重宋鄭夾漈爾雅註

柏實生泰山山谷今處處有之而乾州者最佳三月
開花九月結子候成熟採蒸暴乾春礪取熟仁子
用其葉名側柏密州出者尤佳雖他柏相類而其葉

雜物類編 卷四

木屬 柏

二

皆側向而生，功效殊別，採無時。本州圖經


古柏葉尤奇，今益州諸葛孔明廟中有大柏木，相傳是蜀世所植，故人多採收以作藥，其味甘香於常柏也。同上

別說云：謹按陶隱居說，柏忌取塚墓上者，今云出乾州者最佳，則乾州柏葉茂大者皆是，乾陵所出他處皆無大者，但取其州土所宜，子實氣味豐美可也。乾陵之柏異於他處，其本未有無文理者，而其文多為菩薩雲氣人物鳥獸狀，極分明可觀，有盜得一株徑

尺者，可值萬錢。關陝人家多以為貴，宜其子實最佳也。又以其枝節燒油膏，傅惡瘡，久不差，有蟲者，牛馬畜產有瘡疥，名為重病，以傅之，三五次無不愈也。宋唐

慎微證類本州

嘗官陝西，每登高望之，雖千萬株皆一一西指，蓋此木為至堅之木，不畏霜雪，得木之正氣，他木不逮也。所以受金之正氣所制，故一一向之。宋寇宗奭本州行義
柏樹本州有柏實味甘，一云味甘辛，性平無毒，葉味苦，一云味苦辛微溫無毒，牡蠣及桂瓜子為之使，畏



菊花羊蹄艸諸石及麴麴救饑列仙傳云赤松子食
柏子齒落更生採柏葉新生并嫩者換水浸其苦味
初食苦澀入蜜或棗肉和食尤好後稍易喫遂不復
饑冬不寒夏不熱明周憲王救荒本艸

史記言松柏為百木之長其樹聳直其皮薄其肌膩
其花細瑣其實成球狀如小鈴霜後四裂中有數子
大如麥粒芬香可愛柏葉松身者檜也其葉尖梗亦
謂之栝今人名圓栝以別側栝松葉柏身者樅也松
檜相半者檜栝也蛾眉山中一種竹葉柏身者謂之

竹栝明李東璧本艸綱目

栝性後凋而耐久稟堅凝之質乃多壽之木所以可
入服食道家以之點湯常飲元旦以之浸酒辟邪皆
有取於此麝食之而體香毛女食之而體輕亦其證
驗矣毛女者秦王宮人關東賊至驚走入山飢無所
食有一老公教喫松柏葉初時苦澀久乃相宜遂不
復飢冬不寒夏不熱至漢成帝時獵者於終南山見
一人無衣服身生黑毛跳坑越澗如飛乃密圍獲之
去秦時二百餘載矣事出葛洪抱朴子書中同上

陶隱居曰柏處處有之當以太山陝州宜州乾陵者為最四時長青葉皆側生枝皆西向有四種一曰叢柏枝葉叢疊今人呼為千頭柏一曰渾柏獨葉叢茂木心紫赤一曰刺柏枝皆有刺撫之戟手皆不結實惟堪作香不入藥用一曰扁柏木心微白芳香清烈作花細小結實有角角四裂出子霜後采取中仁黃白色最多脂液惟乾陵者木理旋繞有雲氣山水鳥獸狀修治蒸熟去皮殼搗作餅子日乾收用

明倪朱謨本艸

言景

雷氏曰柏葉有花柏葉叢柏葉及有子圓葉其有子圓葉成一片如大片雲母葉皆側形葉上有微赤毛者宜入藥用如采葉須隨四時建方春採東夏採南秋採西冬採北取其得月令之氣也

同上

同上

盧子由先生曰扁柏芳香高潔文彩陸離即參天直上誰能禁之乃俛焉西向以順受金制可謂至德也已巨擘喬木作社稷棟梁宜哉殷人以柏其逆知後世之西向乎

謹按扁柏非側柏也此說混側柏扁柏為一誤也

柏一名栂樹聳直皮薄肌膩三月開細瑣花結實成
毬狀如小鈴多瓣九月熟霜後瓣裂中有子大如麥
芬香可愛柏陰木也木皆屬陽而柏向陰指西蓋木
之有貞德者故字從白白西方正色也處處有之古
以下生泰山者為良今陝州宜州密州皆佳而乾陵者
尤異木之文理大者多為菩薩雲氣人物鳥獸狀態
分明徑尺一株可值萬錢川柏亦細膩以為几案光
滑悅目明王蓋臣二
如亭羣芳譜
種植九月中柏子熟採收俟來年二三月間用水淘

本草綱目卷之四

過取沈水者著溼地二三日淘一次候芽出將剗熟
地調成畦水飲足以子勻撒其中覆細土半寸再以
水壓下二三日澆一次常使土潤勿太溼太乾既生
出土四圍豎矮籬護之恐為蝦蟇所食常澆水亦宜
糞俟長高數尺分栽同上
灌溉性喜曬一年中用曬過糞水澆三四次則青翠
翁鬱秋時翦小枝二三尺可挿活同上
收子熟時頰採之易得過時則零落又易生蟲同上
柏一名蒼官爾雅曰栂栂也廣雅曰一名汁栂廣志

雜物類編卷之四

木屬 栂 六

曰有續柏有計柏崔寔月令曰七月收柏實列仙傳
曰赤松子好食柏實齒落更生今柏有四種扁柏葉
扁質黃一名黃柏檜柏葉尖質赤一名檜尖又名血
柏側柏葉俱側如掌香味清涼摘可炮湯瓔珞柏枝
葉如瓔珞側柏種貴唯園圃中植之檜柏體堅難長
亦難萎扁柏易長易萎山地丘隴並相宜瓔珞柏亦
難長可植庭際俱無花有子色至冬天愈翠春分下
子清明或秋後移栽大抵松柏時時可植止不宜於
夏月極喜糞澆檜柏小時可翦縛作盆玩亦可就其

軟枝紫屏闌材大者伐解造卓甚佳較勝於黃柏

明周文華
致富全書

柏一名榭陰木也凡木皆向陽柏獨向陰指西古以
生泰山者為良今陝州宜州密州皆佳而乾陵尤異
木之文理多為雲氣人物鳥獸狀態分明徑尺一株
可值萬錢川柏亦細膩以為几案光滑悅目明徐光
啓農政
全書
種柏九月中柏子熟時採俟來年二三月間用水淘
取沈者著溼地二三日淘一次候芽出將剝熟地調

成畦水飲足以子勻撒其中覆細土半寸再以水壓
下二三日澆一次勿太溼勿太乾既生四圍豎矮籬
護之恐為蝦蟇所食常澆水糞俟長高數尺分栽同上
又曰秋時翦小枝二三尺亦可挿活同上

太常博士崔碩云汝西有練溪多異柏及暮秋葉上
斂俗呼合掌柏唐段成式酉陽雜俎續集

壺山有柏木一株長數尺半化為石半猶是堅木蔡
君謨見而異焉因連置私第余甫陽日親見之宋彭乘墨

客揮犀

余尚書靖慶曆中知桂州府境窮僻處有林木延袤
數十里每至月盈之夕輒有笛聲發於林中甚清遠
土人云聞之已數十年終不詳其何怪也公遣人尋
之見其聲自一大柏中出乃伐取以為枕聲如期而
發甚寶惜之凡數年公之季弟欲竊其怪命工解視
之俱見木之文理正如人於月下吹笛之像雖善畫
者不能及重以膠合之則不復有聲宋范正敏
遜齋間覽
由東北山峽中行峽之南山皆土而北山盡石壁巉
巖峭削有小石戴大石層疊高低宛如人所為者自

興和至此地無寸木但荒艸而已惟此石壁之半生
柏樹一株甚青翠可愛如江南人家花園所植者幼
致呼光大曰此亦塞外一奇觀峽中行十餘里途窮
復回明金幼致北征錄

嵩山嵩陽觀有古柏一株五人聯手抱之圍始合下
一石刻曰漢武帝封大將軍人但知秦皇之封松而
不知漢武之封柏也又唐武后亦封柏五品大夫謝明

肇淵五雜組

柏一名栭葉頗似柳與松不同松皮粗厚柏皮光滑

松葉直身曲柏葉曲身直子如棟可食著酒中飲之
辟惡氣浣衣去垢核堅正黑可以間香性堅緻牢實
有脂而香古人破為臼以擣鬱禮記曰鬯以栭是也
有側柏叢柏花柏三種側柏三月開花九月結子而
圓葉成片如大片雲母葉皆側向上有微赤毛道家
多作柏葉湯出密州者佳花柏其樹濃葉成朵無子
叢柏其樹綠色明吳元化毛詩鳥獸州木攷
柏樊宗師園詔謂柏為蒼官其子香而可藝東坡詩
云銅爐焚柏子又有葉側向而生者為側柏八閩通志

柏爾雅曰柏榦記謂暢以榦是也埤雅曰性堅緻有脂而香柏視松也猶伯視公伯用誥所執躬圭者以此公用直所執桓圭者以此

海澄縣志

側柏本艸曰與他柏相類然葉皆側向而生

香山縣志

柏性堅而有脂香者可貴也

柏土產木理膩白可器

重修靖江縣志

柏有圓扁刺三種性堅而香

九江府志

間植之

萬曆杭州府志

柏側葉赤皮別一種葉大而扁曰羅漢柏其木理堅

江陰縣志

柏種有二陳輔之有丹陽朝陽寺柏詩見京口集朝

陽今普寧茅山崇壽觀太元殿前有經臺柏采未有

道人自咸陽老君說經臺移本植此檀欒翠碧非凡

木也見茅山志

重修鎮江府志

柏檜身葉扁肌理黃者為柏丘隴多植之

常熟縣志

柏有圓扁刺三種性堅而香

汀州府志

柏其色黃其皮最涼

唐書卷一百一十四

柏與側柏檜柏不同一種名油柏出陽江山中大數十圍高十餘丈歲久者名灰柏扇柏入土耐久與沙木等出他邑者常材耳肇慶府志

柏有渾側二種又有一片如手掌者名手掌柏紹興府志

柏有花柏叢柏側柏側柏與他柏相類但其葉皆側生也入藥用此邵武府志

爾雅云松葉柏身為檜柏葉松身為檜詩曰檜楫松舟葉如禾穗者為松側扁葉者為柏河間府志

埤雅曰柏性指西猶磁之指南也擦柏葉小而歧翁

柏即側柏瓔珞杉柏可寄枝刺者檜也柏利於造船

敞苓為合香用宜以子種清晚桐方氏物理小識

柏有四種扁柏質黃易長易萎山地丘壠竝相宜檜

柏體堅葉尖質赤一名檜尖又名血柏難長亦難萎

瓔珞柏亦難長可植庭際側柏種貴惟園圃中植之

俱無花有子春分下子或清明或秋後移栽列仙傳

曰赤松子好食柏實落更生清石巖逸叟增定致富奇書

柏之上品有二曰千頭曰瓔珞盤旋曲折氤氳襲入

山居採松花作飯拾柏子合百和香燒之迥非人境

無勿頭錄

卷四

木屬 柏

十一

唐物類書卷之四

移法如松但取鹹汁灑之易生苔蘚清沈賦名花譜

柏一名蒼官一名栴與松齊壽有扁柏檜柏黃柏瓔
珞柏之異惟扁柏為貴故園林多植之因其葉側向
而生又名側柏其味微澀而甘香道人多採作服食
用點茶湯諸木向陽柏獨西指其性堅緻有脂而香
故古人破為暢白用以擣鬱三月開細瑣花不甚可
觀結實成球狀如小鈴霜後四裂中含數子大如麥
粒亦自芬香仁亦道家所服食者檜柏體堅難長亦
難萎黃木聳直而皮薄肌細葉至冬更青翠瓔珞柏

枝葉俱垂下宜栽庭際皆無花有子峨嶺山有竹葉
柏身者名竹柏稟堅凝之質不與羣卉同凋其小者
止一二尺可作盆玩又乾陵有柏木之文理大者多
為菩薩雲氣人物鳥獸狀態分明徑尺一株可值萬
錢柏性喜曬每年中用曬過糞水澆三四次則色鮮
潤秋時翦小枝二三尺者植肥地亦活或收子至二
三月間用水淘取沈者著溼地隔兩日再淘候芽出
將剷熟地成畦以子勻撒其中覆以細土二三日一
澆苗出土後須圍以短籬防蝦蟇所食清陳湜子
秘傳花鏡

木屬 柏 十二

鹿
小
類
集
卷
四

松柏、松葉細而圓、柏葉寬而扁、皆長青年永之木、
升聞諧聲
品字箋
虞清

